

“Mihing Tanghou Kia in a Hingkei Diing”

By Jamson

Diabol khem a om diing in Jesu Khris gamdai ah kha pilut in a om a. Ni sawmli leh zan sawmli an angawl nung in khempa hong pai in, a kiang ah, Pathian Tapa na hihleh hiai suangte tanghou suak diing in thupia in ava chi hi. Himahleh Jesu'n, Laisiangthou pansan in **“Mihing tanghou kia in a hingkei diing, Pathian kam a thupawtte in a hingzaw diing”** chih gelh ahi, chi ana dawng hi (cf. Matt. 4:1-4). Hiai a Jesu'n Khempa Diabol a dawanna thu tuni in khatvei ngaihtuah thak lehang ka chi ahi. Khovel mite'n hichi'n a chi uh, **“hiai khovel a tomchik lel dam diing I hihman in ne leh dawn in nuamsatak in I om diing uh”** (cf. 1 Kor. 1:32). Hiai tuh kum zabi khatna hunlai, Sawltakpite hunlai pek a khovel mite'n mihing damsan toh kisai a ngaihdan ana neih uh ahi a, tuni hun in leng khovel in mihing damsan toh kisai in hiai mah a paipih toudenlai hi. Hiai khovelte paidan pen tuni hun a khristian tamtakte'n leng I theihlouh kal in kipompoh in kipaipih khadekdek hi.

Thukhun Lui hunlai in Pathian in a namtel Israelte, mihing tanghou kia a hinglou diing ahidhan sinsakna diing in gamdai a kum 40 a vakvaih lai un zingsang a anak diing uh tanghou (Manna), nitaklam a anak diing uh sa (Vengkeng) ana pia hi (Eksodas 16:8). Kum 40 sung gamdai a avakvaih sung ua akhete uh bawklou a asilh leh tente uh tullou a omsak thei Pathian in Israel tate gilkiallow leh dangtaklou diing in bawlthei tham hi (cf. Diut. 8:4). Himahleh gilkiallow leh dangtaklou diing in Pathian in Israel tate a koihkei. A koihlouhna ziaak a om.

Huai tuh **“Mihing tanghou kia in a hingkei a Pathian kam a thupawtte in a hingzaw”** chih a sinsak nop ziaak ahi, **“Mihing tanghou kia in a hingkei. Toupa kam a thu chih pawt in a hingzaw, chih nou a hon theihsak theihna di'n a hon hihgim a, na kial uh a phal a, na theih ngeilouh uh, na pi leh pute un leng a theih ngeilouh uh manna in ahon vak hi”** (Diut. 8:3). Hiai ziaak a Pathian in Israelte tate gamdai a manna leh vengkeng a vak ana himaimah hi.

Pathian in manna a piak lai a athupiak tuh michih in a kham hun diing bang a alak diing, michih a dia omer khat (Eksodas 16:16), zingsang tan a kuaman a nutsiatlouh diing (vs 19), a ni sagih ni a lakkhawmlouh diing chih ahi (vs 22-26). Hinapi in Israelte tate' lak a khenkhat in Pathian thu sang in manna ngaikhokzaw in a zingsang tan in a koih ua himahleh than in ana uih a, a ni sagihni in khawm diing in a pawt ua himahleh bangmah a mukei uhi (vs 20, 27).

Tuni'n nang leh ke'n hiai thu apan bang I zil thei ua? I zil diing uh bang a om a? Thukhun Lui lai a thudik om tuh tulai hun a leng dik toudenlai ahidhan I Toupa Jesu' thugen in hon musak hi. Tuni hun inleng mihing tanghou kia in hinglou diing a, Pathian kam a thute in hingzaw diing hi. Khristiante'n Tanghou (nek-le-dawn, silh-le-ten, sum-le-pai) poimohlou ihi chi I hikei. Huaite I poimoh mah ahi.

Pathian in leng poimoh asa. Huaiziak mah in gamdai ah Israelte tate nek diing tanghou leh sa ana pia.

Himahleh Pathian in a deih bel, a thute khel a tanghou zonlouh diing, a thupiak sang a tanghou manpha sakzawk a delhzawk louh ahi. Pathian in tanghou nek a zadahkei. Zahdah hileh nek diing in Israel tate tanghou ana pekei hial diing. A zakdah bel a thu sang a tanghou poimoh sakzawkna. A kan aval a A thute pel a tanghou zonna ahi Pathian in a zakdah. Hiai toh kisai a Jesu sinsakna tuh **“A Lalgam leh a diktatna zong masazaw un, huchi in huaite tengteng ahon piak behlap diing hi”** chih ahi (Matt. 6:33).

Pathian thupiak sang a tanghou ngai poimohzaw a Pathian thupiak zah sang a tamzaw **manna** khawm pa'n a neitam tuankei a, than in a uih maimah. Tuabang mah in ahun lel theilou a akan aval a Pathian thu sang a poimoh ngaihzaw a khovel thilte kaihkawm pa' aleng khatvei chiang in muat in mangthang thouthou diing hi (cf. 2 Peter 3:10; Heb. 1:10-12). I hinna diing ua poimoh tuh Jesu Khris ahi. Khris leh a thute ahi I hinna diing a poimoh. Johan 6:48-51; 53-54 kikal nguntak in ana sim in.

Lapuaktu'n hichi'n ana puak hi, **“Ken Jesu neizaw ning, kham leh ngun sang in. Ama a hi ning hauhna sim zohlouh sang. Ken Jesu neizaw ning inn leh lou sang in. Sik toh kilhden a khut a honpi teel zaw'ng. Ken Jesu neizaw ning, pahtawina sang in, Ama a diing in kiptak in omzaw ning. Ken Jesu neizaw ning minthanna sang in. Amin siangthou a di'n muanhuai in om zaw ning. Lili pak hoihpen sang zong etlawm zaw hi. Khuaizu sang in zong Amah khumzawlai hi. Ka kha gilkiallow a din an hoihpen ahi. Jesu ka nei zaw diing honpitu diing in.**

Gam zapi a kumpi hih diing sang in, kehlhna thunuai a om sang. Ken Jesu neizaw ning khovel in a piak theih thil khempuhte sang in.” *Khristian Late 583

PLACE OF WORSHIP
 Sacred Heart Cathedral,
 Yusuf Sadan, Ashoka Road,
 Delhi - 110001
 Phone No. 9953968807
 website : www.cocdelhi.org

**'KHRIS' SUANGPHUM, A WEEKLY BULLETIN FOR
 THE MEMBERS OF THE CHURCH OF CHRIST, DELHI,
 ON THE FIRST DAY OF THE WEEK'**

Enkaitu : Jamson Guite

BIBLE CLASS
Class Teacher
 Adult : Khenpi, Siamkhanmuan
 Inter. : James & Jamson
 Junior : Ginsuan & Suanlian
 Primary : Minlun & Niangngaihching
 Beginner : Chingkhanlun & Pauliansiam

**TOUPA NI'
 THILPIAK**
Date 08.05.2022 ₹ 43,211/-

THOUGHT OF THE WEEK
**Kuapeuh kituamseh in amah deihlam a
 zong hi, huan pilna hoih tengteng tung
 ah a thangpai hi - Paunakte 81:1**

THU TUAMTUAM **THU TUAMTUAM**

Biakna Hunzeek
Toupa' Ni
Date 15.05.2022
 Hun-uk thumna : Thangzalam
 Lapi : Pauminlun
 Thilpiak : Kammuanlal
 Theihgigena : Lang James
 Thugen : Jamson
 Thumna : Nekkhothang

Nilaini Video Bible class
Date 18.05.2022
 Thumna : Khamminthang
 Sinsaktu : Di Palma
 Thumna : Lamsuanmung

Kiginni
Date 21.05.2022
 Hun-uk thumna : Thangbiaklun
 Lapi : Tawnsianpau
 Thugen : Pausuanlian
 Thumna : Jangminthang

Toupa' Ni
Date 22.05.2022
 Hun-uk thumna : Thangbiaklun
 Lapi : Tawnsianpau
 Thilpiak : Dongkhanlian
 Theihgigena : Jangthang
 Thugen : Siamkhanmuan
 Thumna : Khamthianmung

DELHI HONGPAI THAK
 ❖ Unaunu Ngaimuankim tunaizek in Safdarjung Hospital a nurse sem ding in Karela apan in hongpai thak hi. Tun Mohammadpur ah unaupa Jamson-te innkiang ah a tapa toh innluah in om uhi. Ina welcome ua a sepa leng i kipahpih mahmah uhi.

ZIN LEH TUNG
 ❖ Hun sawtkuamtak Lamka lam a ava om nung in unaunu Hoihmuankim kal paita sung in Delhi hongtung kinkawnta hi.

❖ Sepna toh kisai a Manipur lam a ana zin unaupa Thangbiaklun leng zan kiginni in damtak in Delhi hong tung kinkawnta hi.

❖ Unaunu Zaniang m/o unaupa Ginsuan Lamka apan in hongzin a tun ilak uah omlel hi. Medical check up kawm dia hongzin dan ahi.

❖ Unaupa Lunsang leng exam a zoh toh kiton in kal paita nilaini in suti hong pai a tun omlel hi.

❖ Unaunu Chingnunmawi leng kal paita seppatni in a college sunzom ding in Delhi hongtung kinkawnta hi.

❖ Kal paita ningani in unaupa Jangthang in Buangmun lam ah honna zinkhiaksan phut hi. Apa unaupa Ngulzapau in a kong a hihat khak ziak a va pai ahi. Unaupa'n damna hohtak ahon neih i deihsak uh.

❖ Zan kiginni in unaunu Kimnu in Saiton lam ah honna zinkhiaksan hi. Damleh June kha kimlai khong in hong kinkawn diing hi.

KIPAHTHU GENNA HUN ZANG UH
 ❖ Kal paita Toupa Ni biakkhawmna zoh in unaupa Kammuanlalte innkuan in Preacher makaih in Vasant Kunj a a flat leithak uh a zohsiang uh toh kiton in Pathian kiang ah kipahthu genna hun vazang uhi.

MEETING OM
 ❖ Zan kiginni in unaupa Lang James inn ah Saptuam business meeting poimohtak neih in omnawn hi. Hiai hun ah unau pasalte mi tovel paikhawm in saptuam nasepsate leh maban a sehsuah diing kibangte genkhawmna kinei hi. Saptuam sum dinmun pulakna leng neih in om hi. Maban a Saptuam business meeting hiai sang a ngaipoimohzaw diing in unau pasalte i kichial ahi. Meeting a paikhawmte unaunu Ngaikhanhoih in buh leh meh limtak in hon vak a kipahhuai petmah.

CHURCH OF CHRIST, NEW DELHI
Yusuf Sadan, Sacred Heart Cathedral
Connaught Place, New Delhi-110001
Evangelist Ding zonna
 New Delhi Krist Saptuam in Inda Maalsuah bial (North-east) a Evangelist ding lunglut mi zong hi. Hiai a lunglutna nei peuhmah in New Delhi Krist Saptuam website: www.cocdelhi.org ah thuchian kimzaw leh kingetna lai (Application Form) a etheih ding.
 Hiai a tung a website kipia ah Application Form download a, kimtak a mun-awngte hudim in, a luglut mite'n Nisim 30.06.2022 tan in kingetna lai a piaklut theih ding.
 Email tungtawn in: cocnewdelhi@gmail.com. Post tungtawn in: House No. N-348, Sector-8, R.K. Puram, New Delhi-110022.
 Hiai toh kisai a theihbeh nop na neih leh a nuai a Contact No. kipiata khatpeuh thuzak in:
 # James Guite: Chairman (9560885759)
 # Siam Khan Muan Guite: Secretary (8800873022)
 # Jamson : Preacher (9953968807)